



## KEMENTERIAN PENGAJIAN TINGGI

### PANDUAN DAN PROSEDUR PERMOHONAN MENGIKUTI PENGAJIAN KE INSTITUSI PENGAJIAN TINGGI (IPT) DI TIMUR TENGAH (MESIR DAN JORDAN) SESI 2022/2023

Kementerian Pengajian Tinggi (KPT) mempelawa pelajar lulusan Sijil Pelajaran Malaysia (SPM), Sijil Agama Tinggi Malaysia (STAM) dan Diploma Qiraat yang berkelayakan dan berminat untuk melanjutkan Pengajian ke Timur Tengah (Mesir dan Jordan) dalam Program Ijazah Sarjana Muda bagi bidang Perubatan, Pergigian, Farmasi dan Pengajian Islam.

Permohonan hanya diproses oleh KPT sahaja. **KPT tidak mendaftar / melantik mana-mana agen bagi urusan permohonan dan penempatan pelajar ke Timur Tengah.** Oleh yang demikian, penggunaan agen bagi menguruskan permohonan dan penempatan ke Timur Tengah adalah atas pilihan dan tanggungjawab pelajar atau ibubapa sendiri.

Pihak KPT hanya menguruskan permohonan dan penempatan pelajar ke Timur Tengah sahaja. Manakala yuran pengajian ditanggung / diuruskan sendiri oleh pelajar yang memohon.

Permohonan bagi lepasan STAM, SPM dan Qiraat adalah secara atas talian dan akan **dibuka pada 01 JUN 2022 (SELASA) JAM 10.30 pagi**

Permohonan bagi lepasan **STAM** akan **ditutup pada TUJUH (7) HARI SELEPAS KEPUTUSAN RASMI DIUMUMKAN** pada jam **11.59 malam**. Pemakluman kepada pelajar yang layak mohon akan diumumkan pada **19 JULAI 2022 (SELASA)**. Pelajar yang layak perlu memuat naik dokumen-dokumen sokongan yang diperlukan melalui sistem DAN **\*Dokumen-dokumen sokongan asal dan salinan yang telah disahkan perlu DIHANTAR SECARA (POS LAJU / POS BERDAFTAR / SERAHAN TANGAN)**

KE BAHAGIAN EDUCATION MALAYSIA JABATAN PENDIDIKAN TINGGI selewat-lewatnya pada **19 OGOS 2022 (JUMAAT)**.

Permohonan bagi **lepasan SPM dan Diploma Qiraat akan ditutup pada TUJUH (7) HARI SELEPAS KEPUTUSAN RASMI DIUMUMKAN** pada jam **11.59 malam**. Pelajar yang layak perlu memuat naik dokumen-dokumen sokongan yang diperlukan melalui sistem selewat-lewatnya pada **19 OGOS 2022 (JUMAAT)**.

*\*Dokumen-dokumen sokongan asal dan salinan yang telah disahkan perlu **DIHANTAR SECARA (POS LAJU / POS BERDAFTAR / SERAHAN TANGAN)** kepada Bahagian Education Malaysia, Jabatan Pendidikan Tinggi Dan \*Wang pemprosesan perlu diserahkan kepada Bahagian Education Malaysia, Jabatan Pendidikan Tinggi dalam bentuk bank draf mengikut jumlah yang telah ditetapkan iaitu bagi pemilihan **IPT di Jordan bayaran berjumlah RM520.00 seorang,***

UNIVERSITI	KADAR BAYARAN WANG PEMROSESAN
<b>Universiti Al-Azhar</b> Bidang Pengajian Islam, Qiraat dan Sains Kesihatan lepasan STAM/ Diploma Darul Quran/ SPM	<b><u>RM570.00</u></b>
<b>Universiti Ain Shams/ Universiti Alexandria/ Universiti Kaherah/ Universiti Mansurah/ Universiti Tanta/ Universiti Zagaziq</b> Bidang Sains Kesihatan (Pergigian dan Farmasi) lepasan SPM	<b><u>RM1,070.00</u></b>
<b>Universiti Al-Azhar</b> Bidang Pengajian Islam lepasan Diploma KUIPSAS dan Diploma KIAS	<b><u>RM870.00</u></b>

***Semua Dokumen / Bank draf perlu diserahkan selewat-lewatnya pada 19 OGOS 2022 (JUMAAT).***

## PANDUAN PERMOHONAN MENGIKUTI PENGAJIAN DI INSTITUSI PENDIDIKAN TINGGI MESIR DAN JORDAN

1. Sila ambil perhatian perkara-perkara berikut sebelum dan semasa mengisi permohonan secara atas talian;
  - 1.1 Pastikan anda membaca panduan dan prosedur permohonan melanjutkan pengajian di Timur Tengah (Mesir dan Jordan) sebelum mengisi permohonan atas talian;
  - 1.2 Anda perlu mendaftar terlebih dahulu sebelum membuat permohonan atas talian. Sila pastikan emel yang didaftarkan adalah aktif, nama penuh dan no. kad pengenalan anda adalah betul dan tepat.
  - 1.3 Setelah membuat pendaftaran, anda perlu log masuk ke dalam sistem e-timurtengah di pautan <https://dohe.mohe.gov.my/timurtengah> bagi melengkapkan maklumat permohonan.
  - 1.4 Anda hanya dibenarkan untuk membuat permohonan bagi **SATU (1) negara dan SATU (1) bidang sahaja**. Anda juga dinasihatkan supaya membuat permohonan yang memenuhi syarat kelayakan yang telah ditetapkan.
  - 1.5 Pastikan maklumat yang diisi adalah **betul dan lengkap** sebelum tekan butang **simpan dan hantar**.
  - 1.6 Anda dinasihatkan agar berhati-hati dan teliti semasa mengisi permohonan. Pengemaskinian maklumat boleh dilakukan sehingga tarikh akhir permohonan.
  - 1.7 Pastikan permohonan dihantar dengan **MENEKAN BUTANG HANTAR** selewat-lewatnya pada tarikh akhir permohonan.
  - 1.8 Anda dikehendaki mencetak borang permohonan sebagai rujukan.

1.9 Anda boleh membuat **semakan kelayakan** selepas tempoh tujuh (7) hari bekerja daripada tarikh tutup permohonan. Sekiranya anda disahkan layak meneruskan permohonan, **slip permohonan boleh dicetak** melalui sistem e-timurtengah.

**\*HANYA PERMOHONAN YANG LAYAK SAHAJA PERLU MENGHANTAR DOKUMEN SOKONGAN** (sila rujuk senarai semak mengikut negara dan bidang yang dipohon).

1.10 Permohonan yang **TIDAK LENGKAP DAN TIDAK MENEKAN BUTANG HANTAR** tidak akan diproses dan **AKAN DITOLAK** sama sekali.

1.11 Anda dinasihatkan untuk membuat terjemahan **Sijil Lahir dan keputusan SPM / STAM lebih awal** bagi mengelakkan kelewatan penerimaan terjemahan.

1.12 Bagi pemohon lepasan STAM, **sijil asal STAM (Bahasa Arab)** yang dikeluarkan oleh Lembaga Peperiksaan Malaysia **TIDAK BOLEH LAMINATE**. Hanya sijil asal STAM yang diterima oleh Universiti Al-Azhar.

1.13 Terjemahan SPM / STAM dan Sijil Lahir/ Surat Beranak/ Borang W dalam Bahasa Arab boleh dibuat di Institut Terjemahan Buku Malaysia di alamat berikut:

**Institut Terjemahan Buku Malaysia**  
**Wisma ITBM**  
**No. 2, Jalan 2/27E**  
**Wangsa Maju, Seksyen 10**  
**53300 KUALA LUMPUR**  
**No. Tel : 03-4149 7210/ 03-4145 1800**  
**(samb. 1850/ 1852/ 1854/ 1861)**  
**No. Faks : 03-4149 1535/ 0341432939/ 0341432946**

- 1.14 Terjemahan sijil SPM / STAM dan Sijil Lahir/ Surat Beranak/ Borang W perlu disahkan oleh Bahagian Konsular, Kementerian Luar Negeri di alamat berikut:

**Kementerian Luar Negeri  
Bahagian Konsular, Wisma Putra  
No 1, Jalan Wisma Putra, Presint 2  
62602 Putrajaya  
No tel : 03-8000 8000  
No faks : 03-8889 1717**

- 1.15 Semua dokumen sokongan perlu disahkan oleh Pegawai Kanan Kerajaan (Kumpulan A) / Ahli Dewan Undangan Negeri / Pesuruhjaya Sumpah / Pengetua / Guru Besar / Ketua Kampung / Penggawa / Penghulu.
- 1.16 Pelajar STAM yang layak sahaja perlu memuat naik dokumen-dokumen sokongan yang diperlukan melalui sistem selewat-lewatnya pada **19 OGOS 2022 (JUMAAT)**.
- 1.17 Pelajar SPM dan Diploma Qiraat yang layak sahaja perlu memuat naik dokumen-dokumen sokongan yang diperlukan melalui sistem selewat-lewatnya pada **19 OGOS 2022 (JUMAAT)**.
- 1.18 Anda **WAJIB** mengisi **Borang Aku Janji Permohonan Melanjutkan Pengajian Ke Timur Tengah Bagi Sesi 2022/2023** dan dikemukakan sekali bersama dokumen sokongan.
- 1.19 Sekiranya dokumen sokongan tidak dimuat naik melalui sistem pada tarikh yang ditetapkan, secara **automatik** permohonan anda terbatal.

Sebarang pertanyaan dan maklumat lanjut bolehlah menghubungi, Bahagian Education Malaysia, Jabatan Pendidikan Tinggi di talian; **03-8870 6217 / 6226 / 6635**.

**PERINGATAN!!**

**Pemohon yang didapati sengaja atau tidak sengaja memberi maklumat salah/tidak benar/manipulasi maklumat dalam permohonan dalam talian / online dan dokumen-dokumen sokongan yang berkaitan akan diambil tindakan tegas dengan menarik balik permohonan dan surat tawaran serta dikenakan tindakan undang-undang.**